

*Liabe Sonja und liabe Maria*  
*liabe „Crownis“*

*Insa Annemarie schreibt allerlei und traumhofte „Stiefel“ -  
Gschichtn des kunnt i ned.....do bleib i liaba beim Dichtn.*

*Es brennt mi wieda amoi gonz fest und heit mecht is auf's Neie  
bekundn  
dass mi so nett dunkt do in dieser Rundn.*

*Des hob i amoi noch an Training gsog,  
foßt des de Sonja.... so .....glei zom  
des lieg jo grad an dia ....des kunnst scho öfta hom.*

*De Shark - Treue owa.....is da oanzig Grund  
dass i ned öfter bin .....bei enk in Kufstoa herunt.*

*Mit Sonja und Maria... es 2 es seids a Wucht.  
homm mia a Linedonce Führung, ...de seinesgleichen sucht..  
Is oane kronk oda ned do  
übernimmt de ondre des is klor.  
De Tonzlistn mitsomt de geistreichn Sprüch ..... jede Woch,  
is fost scho selbstverständlich, ....es denkt kam oana mehr noch.*

*A Weihnachtsfeier, do bietet sich's meist u  
dass ma des letzte Jahr a bissl Revue passiern lassn ku.*

*Des erstemoi worn oa beim Weltrekordversuch dabei,  
auf da Staumauer in Kaprun...möglichst Schwindelfrei.  
A Event, do worn ma sicha ned s'letztemoi dabei,  
708 send gwertet worn, s'naxte Jahr werdns durch ins....vl. mehra sei.*

*De Partybesuche....ob bei de Tapping Toes, oder im Zillertoi  
Hoia hot frisch da Fischer Sepp zur Sharkparty glodn, ....s'erste Moi  
Lustig wor's und Friede is eigkehrt .....endlich .....möcht i sogn  
iatz braucht koan mehr..... a krumma Gedanke.... plogn.*

*An tollen Vereinsausflug homma gmocht juchhe  
nicht in die Ferne, desmoi gonz in da Näh.  
Hinauf ins Gebirg, lustig und ausglossn,  
ma ku´s ois tolles, gemeinsams Erlebnis zommfossn.*

*Des hoirige Johr ..... Ehrgeiz ....sondergleichen  
Schluß endlich doan 11e sogar .... de Silberne erreichn.  
Des Training bis dohi.... hot vü Nervn.... enk ....und ins obverlong  
owa es hot sich auszoit, Gott sei Donk.*

*Mit Profi---- Hilfe durch de Birgit, a mittels Video und Zensur  
merk ma glei amoi es geht ned um de Schritte nur....  
Owa mit ihrer Unterstützung kinna ma wahrlich reifn  
und vl. mit vü Einsotz und Schneid...sogor nu noch da Goldan greifn.*

*Mit da Melli homma hoia an Neuzugang  
de hot tonzt bei der Birgit von Anfang an.  
Du host vielleicht an Style .... i bi gonz Neid zerfressn  
den hot da Fischer Sepp..... mia zlearna .....woi vagessn.*

*De Missi und de Annelies send endlich wieda fix do  
dia gangatn woi in dem Verein des mecht i sogn ...fest o.  
De Missi guat..... de nimmb a diam des Zoig vo ondre mit  
no muass, hoit..... zwegn a so a Tasch ....nu amoi aussa aus´n Bett.*

*De Gabi insa Promi Goaß.....  
des oane oda ondre vo de Stars zu berichtn woaß.  
und gilt es Kartn zu besorgen,..... mocht si es dir getrost  
und tuat a den Plotz nu reserviern, ....de Koscht wegn dem ned mehra  
kost.*

*De Eva hot a wundabors Temperament, de ku so toll Anekdotn dazölln  
do denk i ma oft, .....häts do gern dabei sei wölln..*

*D´ Ebbsa Gabi de hot iatz gonz narrisch da Ehrgeiz pockt  
de glong.. a... noch da Goidan, wer hätt des.... vor an Johr nu....  
gedocht.*

*Insa Erika de tonzt wie a Engei übers Parkett,  
boas a so de Orm ausbroat .....und ihre Haare sand geglätt 't.  
Do bleibat manch Männerherz woi steh  
wenn er sie sooo .....beim Tonzn säh.*

*De Elisabeth de is noch da Silbern iatz ....woitan zfriedn  
de Kritik vo de Telfser hätts boid ned gonz dalitn.  
Do worst du kurz drauf und dru...hättst gor auf des Obzeichn verzicht.  
Senn mia owa fruah.....du „tatest“ es nicht.*

*Martina, du tonzt mit a bemerkenswerten Lässigkeit  
ma merkt dia u des Tonzn mocht da volle Freid.  
Owa wenn da oana gor net taug, donn strengst di a ned u.  
Du sogst da: “ des Tanzei gfoit ma ned“, und loßt de Fiaß davu.*

*De W. Maria insa Oberyogi wärm'nt ins auf ...mit sovü Charme und  
Souveränität,  
dass da für den Rest des Abends... oafoch supa geht.  
Du kriagst koan Muskelkote und koan Knia....jammer,  
davu kinnan ondre Linedancer kot trama.*

*Da Andi.....insa Gogglhahn.....  
sich ois oanziga Monn ...scho drauf wos einbildn kann.  
Darüber hinaus is er insa Filmer und Fotograf,  
stöllt sei Linse, wenna gilt.... immer auf scharf.*

*Sei Gattin .....insa Conny ein ausgesprochenes  
TANZ....NATUR....TALENT  
de tonzt ausm Stegreif jedn Tonz, ....wenn 'sn a ned amoi ... kennt.*

*Insa Johanna....de Grand Dame in diesem Gemäuer,  
tonzt mit an Hüftschwung oafoch ungeheuer.  
Do tatn si oft Jüngere befließn  
kunntn si so mit de Hüftn kreisn.*

*Bin i amoi gscheit gwen ...a Journalschreiber ghörat her....  
und des moch i a glei selber....bitte sehr  
Doch bin i an Tog drauf..... fest.... in mi... gonga  
und hob mi söwa gschimpft,..... „,wos mechst denn nu ois ufonga.“  
Aft hob i beim naxtn Training de gonze Schneid zommgnomma  
und tua da Annemarie oafoch den Job auffibrumma.*

*Und sie nimmb des so ernst...schreib jedn Trainingsabend nieda  
Wos wer.... gsog hot.....oda ....a neda  
Des hätt i beileibe nia gmocht,  
so aufwendig wor des a ned gedocht. Danke Annemarie*

*Mit dia Maud homma an Countrymusik“Profi“ des is gwiß  
du spüest so vieles „Original“ do woass a jeds glei .....wos drauf zon  
Tonzn is.*

*Mei Hanna de ku heit leida ned kemma  
de muass iah Arbeit jo gonz ernst nu nemma.  
Wenn so „Junge“ dabei send .....des is so was vo nett  
Owa beim Altersdurchschnitt..... mochn dia ,..... des Kraut a ned fett.  
De Wohrheit is de Hanna bring ins grod vo 57,5  
auf oiwei nu..... 55,7 Jahr  
okay ...iatz is omtlich.....mia send a .....vorgerückte .....Partie  
owa Tonzn kinnan mia oiwei nu...Ende nie!!!!!!*

*Wia a scheana Blumenstrauß..... a bunte Mischung Leit.....  
und i derf mi .....zu enk zölln ...des is mei greaßte Freid.*

*Liabe Sonja und liabe Maria  
wos es des gonze Jahr an Orbeit und Herausforderung hobs trogn.  
I möcht enk ...vo ins Olle ....dafür a herzlichs Dankschea sogn,  
und vi des naxte Jahr dat i glei frogn.....derf i wieda zu enk kemma...  
so oft's grod gang..... wuscht i de Zeit mir nemma.  
Mit enk zu tonzn ....und danoch.....bei an Glasei diskutiern  
und oft amoi sogor..... a bissei philosophiern.*

*Herzlichen Dank für Alles .....Lisbeth*